

UMS pastikan MPP dilibat gubal garis panduan hiburan

UB 08.09.2023 P.03

KOTA KINABALU: Universiti Malaysia Sabah (UMS) komited dalam memastikan Majlis Perwakilan Pelajar (MPP) terlibat secara langsung dalam menggubal dan merangka garis panduan berkaitan aktiviti hiburan.

Timbalan Naib Canselor (Hal Ehwal Pelajar dan Alumni) UMS, Prof. Madya Dr. Raman Noordin dalam satu kenyataan berkata pihak pengurusan universiti juga menyokong penuh agar garis panduan itu digubal dan dirangka oleh Institusi Pendidikan Tinggi (IPT) masing-masing mengikut kesesuaian dan lokaliti IPT serta berpandukan saranan Jabatan Pendidikan Tinggi, Kementerian Pendidikan Tinggi (JPT, KPT).

“MPP sejak sekian lama memainkan peranan penting dalam menyuarakan pandangan serta isi hati mahasiswa, justeru penglibatan MPP dalam merangka garis panduan ini adalah wajar agar suara dan keperluan setiap



RAMAN

mahasiswa diambil kira.

“Hal ini juga sekali gus dapat memastikan agenda pemerkasaan mahasiswa berada di landasan tepat selaras dengan hala tuju yang ditetapkan oleh Menteri Pendidikan Tinggi, Dato’ Seri Mohamed Khaled Nordin,” katanya.

Beliau berkata demikian sebagai mengulas kenyataan JPT berkaitan arahan agar pengurusan IPT memastikan MPP dilibatkan dalam proses perangkaan garis panduan itu.